

本书出版得到国家古籍整理出版专项经费资助

# 清代吏治史料

线装书局

官員管理史料三七

# 清代吏治史料

綫裝書局



署理山東巡撫邱裕都察院僉都御史臣岳濬謹

題為縣令衰病不能供職請

旨勒休以肅吏治事該臣看得縣令為親民之官錢穀刑名職守甚重必得年力精壯才幹優長之員方能辦理無誤今有臨淄縣知縣陳霞翥由福建漳化縣教諭陞授於本年拾壹月貳拾日到任隨以公事赴省進見擬開履歷雖稱伍拾肆歲而形容已頽德不堪步履艱難語言蹇澁手顫氣喘羸病難支及聞以地方事宜則應對含糊茫無聞見似此衰病昏聩之員何以司民社而理繁贖臣不敢因其甫經蒞任暫予姑容致有貽誤正在繕疏會恭開復據布政使費金吾併按察使唐綏祖登萊青道孫蘭芬青州府知府廣壽各揭報前來相應

題恭請

旨將臨淄縣知縣陳霞翥勒令休致以肅吏治者也除批飭布政司委員署理外臣

謹會同總督臣田文鏡合詞具

題伏祈

皇上睿鑒

勅部議覆施行謹會題請

旨雍正七年十二月十九日題雍正八年二月初一日奉  
旨陳霞翁着議處具奏該部知道

總督湖北等處地方軍務兼理糧餉兵部尚書兼都察院右副都御史帶理湖北巡撫印務加肆級臣遵柱謹

題爲請除監生考職之弊等事該臣看得各省監生託人代考得官者奉

旨准其自行出首欽遵轉行在案今據湖北武昌布政使徐昂詳稱准湖北武昌按察使王肅章咨據經歷陳霖自有由監生於康熙伍拾壹年考授縣丞職銜考職之時偶患目疾老僕冀文耀情內閣供事楊越代考於康熙陸拾年選授今職其代考之楊越素不熟識考後亦未往來未知現今是否現存有無職銜老僕文耀已故無從詢問理合首明詳報移司等情又據武昌府知府張淑鄮詳報江夏縣金口鎮巡檢趙世榮自有由監生於康熙叁拾叁年考職因患病臥床託伊姪丈朱元煌代考更日職銜於康熙叁拾肆年授勅河工肆拾伍年補授江南徐州呂梁洪巡檢於康熙肆拾陸年丁母憂服闋於康熙肆拾捌年補授金口鎮巡檢其代考之朱元煌已於康熙叁拾伍年病故合併首明等情詳司覆查經歷陳霖巡檢趙世榮遊擬稱一係捐納應陞即用一係捐納分缺元

用然皆屬託人代考職銜得官之員既據自首相應呈詳會

題等情前來理合據詳具

題聽候部議臣未敢擅便謹題請

旨雍正七年十二月初八日題雍正八年二月初一日奉

旨該部議奏

若理廣東巡撫部務戶部右侍郎駐劄廣州府臣傅春  
題為報明解官病故事該臣看得潮州府同知宋桂委解  
部後初因染患熱病症醫治不痊於雍正柒年玖月貳拾陸日行至江西南昌  
縣地方病故茲據廣東布政使王士俊具詳前來相應繕疏

題報員缺臆部銓補臣謹會題請

旨雍正七年十一月十八日題雍正八年二月初一日奉

旨吏部知道

署理廣東巡撫印務戶部右侍郎駐劄廣州府臣傅泰謹

題為縣官病故事該臣看得羅定州永安縣知縣喬振先於嘉慶元年拾貳月

拾陸日到任因患病於雍正柒年拾壹月初貳日在署病故據布政使王士俊

詳報前來理合具

題至所遺員缺容臣照例於來粵試用人員內酌量委署另行咨部緩銓合併聲

明謹會題請

旨雍正七年十一月十八日題雍正八年二月初一日奉

旨吏部知道



總督廣東等處地方軍務兼理糧餉兵部右侍郎兼都察院右副都御史拜他  
拉布勒哈番駐劄肇慶府加叅級臣郝玉麟謹

題為欽奉

上諭事業查維正陸年冬季起陸續奉到

諭旨及條奏議行事件俱經前督臣孔毓珣暨臣於本年閏柒月初捌日到任轉飭  
遵行但現在行之如何有無成效因臣任事未久地方遼濶一特察訪尚未周  
知不敢草率入

告應聽署撫臣傅忝分晰繕疏具

題臣惟稟遵

聖訓務以實心而行實政俾吏治兵民各有裨益以仰體

高深於萬一耳理合恭疏

題明伏乞

皇上睿鑒施行謹具題

開羅正七年十一月十五日題  
羅正八年二月初一日奉  
旨該部知道

巡撫福建等處地方提督軍務都察院右副都御史

劉世明謹

題為懇賜

題留能員等事該臣着得臺灣淡水同知劉浴於雍正崇年拾月貳拾日在任

聞計報丁父憂返現在其疏

題報茲據布政使滿禮堂詳據臺灣府知府倪家愷詳稱臺灣遠處海外淡水地

方遠近生番人民頑悍頗難治理今淡水同知劉浴年力精壯在臺兩載曾經

署理臺灣同知及臺灣知府印務熟悉地方風土辦事勤慎乞將劉浴留任守

制請乞其

題等由前來臣查淡水遠處海外關係緊要必須精明強幹之員方克勝任劉浴

在臺兩載熟悉風土年力精壯辦事勤慎相應仰懇

聖恩俯如所請准將劉浴留任守制俟伊壹年期滿朝回之日另行遵例給假回籍

一俾海疆得人實有裨益臣謹會題請

旨雍正七年十二月二十二日題雍正八年二月初二日奉

旨吏部議奏

吏部尚書總督河南山東河道提督軍務加副級臣松會等謹

題為循例

題補河員以重河防事該臣等得蘭陽縣縣丞劉珍先經臣以該員年力強幹勤

慎修防擬陪懷慶府沁河通判照例具

題請

旨併擬調該員領咨赴部引

見恭候

聖上欽點補授在案今隨官河道祝兆鵬詳稱劉珍生母馮氏在籍病故該員查勘

歸淮河道於拾壹月貳拾捌日在途次聞訃例應丁憂等情伏查劉珍既以母

故丁憂則不便擬陪送部引

見所有懷慶府沁河通判員缺理合另選合例之員擬陪今查有現任濬縣縣丞柯

祖壽明白老成勤於修守堪以擬陪懷慶府沁河通判員缺除將該員履歷功

績造冊送部併另行給咨同擬正之宋陝等赴部引

見恭候

皇上欽點外臣謹恭疏具

題伏乞

皇上睿鑒勅部議覆施行謹題請

旨雍正七年十二月二十日題雍正八年二月初二日奉

旨該部議奏

巡撫陝西等處地方贊理軍務兵部右侍郎兼都察院右副都御史世襲貳等  
阿達哈哈番加壹級臣武格謹

題為欽奉

上諭事該臣查看得同州等州縣於年羹堯充銷脚價案內將運晉米石改造運肅  
部議將州縣各官降級調用其改造米石照各原報數目追賠等因行據布政  
使張廷棟詳稱查蒲城縣運晉米貳百叁拾貳石係雍正元年陸月造冊中齊  
此鄂抑翼任內事也至改造運肅冊籍則在雍正貳年柒月係陳錦任內之事  
前於雍正陸年據署蒲城縣事任晟將改造運肅冊籍不行查明候將鄂抑翼  
職名揭報當經鞏州知州王德地轉揭今任晟等據實檢舉查係陳錦任內之  
事原與鄂抑翼無涉所有鄂抑翼降級之案及着追米石應請開復免追其捏  
造運肅之前任蒲城縣知縣陳錦已於特叅案內革職毋庸議捏運米石在於  
陳錦名下着追至候揭鄂抑翼之前署蒲城縣事見任鳳翔府知府任晟並據  
揭候轉之見任鞏州知州王德地各職名相應附揭但據任晟等供自行檢舉

應聽部議等情詳報前來臣覆查無異謹會同署督臣查郎阿合詞具  
題伏祈

皇上勅部議覆施行爲此謹題詩

旨雍正七年十二月十一日題雍正八年二月初二日奉  
旨該部察議具奏

巡撫福建等處地方提督軍務都察院右副都御史紀錄臺次駐劄福州府臣

劉世明謹

題爲報明開訃丁憂事該臣看得臺灣府淡水同知劉浴於雍正柒年拾月拾捌日到任茲據布政使潘體豐詳據臺灣府知府倪象愷詳報該員親生父劉礪於雍正柒年柒月十二日亥時在原籍冀州臺強縣病故浴係伊父親生次男竝無過繼於本年拾月貳拾貳日在任開訃例應丁憂守制繳到原籍地方官印結併該府倪象愷加具印結中報前來除淡水同知印務現在另疏具

題請將該員留任守制併印結送部外謹題奏

開雍正七年十二月二十二日題雍正八年二月初二日奉

旨吏部知道



兵部尚書東都察院右副都御史總督浙江等處地方軍務兼理糧餉會巡撫  
事加陸振紀錄壹次又軍功紀錄壹次駐扎杭州在任守制臣李  
題為特恭改操錄令等事切臣拾月初二日回任豈期  
易者竟有其人何敢回護寬縱查太平縣知縣陳誠初詳  
勤慎辦事操守尚能刻勵

題請調補本缺近則頓改前操徵糧憑銀匠稱扣子定耗外每兩多加叁分備書  
勒串錢壹分戶房深單每戶索銀壹分徵收南米定價外多徵肆錢糧胥按事  
要銀壹分又金清等陸開有關水利經臣議修士民踴躍願捐穀石以脩料工  
不敷若臣原有酌動鹽務盈餘幫給之行該令並不遵照將杖穀發給所需搭  
木各處白砍不給價銀石塊派船裝運亦無工食給發且用惡差革役招搖多  
事上司禁飭告示有關衙門利獎者槩不張貼即平糶穀石買補還倉出入皆  
有扣剋又泰順縣知縣朱國源本屬平常因山陬小邑尚可供職今歲憂秋開  
突指採辦穀船料物差家人衙役適處強取民間大木截往下浦上海發賣倉  
穀縱容經承每石發出勒銀壹分收倉索銀伍分並縱劣移出入衙門違運掛